



19. decembar 2024

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquaqarpunga:

**Naalakkersuisunut apeqqutit:**

- 1. Aningaasanut 2025-imi inatsisissami aalisarneq pillugu inatsisissap akuersissutigineqarnera kingorna akileraarutigut isertitassatut annaasassat, aalisarnermilu pisuussutunik iluaquteqarnermit akitsuutinit annaasassat kiisalu TAC appasinnerusoq ilanngunneqarpat?**
  - a. Akissut angerussiuk: Naalakkersuisut aningaasanut inatsimmi naatsorsuinerit ikinngutinnersumik saqqummiutillaarsinnaavaat?**
  - b. Akissut naaggaarussiuk: Qanoq ililluni iluanaarutissat amigaataasut matussuserneqassanersut Naalakkersuisut nassuiaatigisinnaavaat?**
  - c. Akissut naaggaarussiuk: Naalakkersuisut isumaqarpat aningaasaqarnikkut politikki taama ittoq akisussaassuseqarnerusoq? Tassa nunami inuussutissarsiu tip pingaarnersaani aningaasatigut kingunerusussat qularnaaqqaarnagit allannguenerujussuarnermik naammassinnilluni.**

(Inatsisartunut ilaasortaq Aqqalu C. Jerimiassen, Atassut)

**Tunnqavilersuut:**

Aningaasanut inatsimmi aalisarnermit isertitat 40 millionit koruuninik amerleriarnissaat missingersorneqarpoq. Taava aamma raajanut TAC 18,9 procentimik immaqaluunniit 19.775 tonsinik annikillineqarluni oqilineqarpoq. Naalakkersuisuttaaq nalunaarutit atorlugit umiarsuaatileqatigiiffiit pisassareriigaat arsaarinnissutiginiarpaat aalisartunullu nutaanut, suli angallatitaarnissaminnut periarfissaqanngitsunut tunniullugit. Kisitsinermi inernerusumik taassuminnga kisitsinermi, suut kisinneqarsimani paasiuminaappoq.

Nunatta naatsorsuutai ukiuni amerlasuuni kingullerni sinneqartoormik inerneqartarput. Atassut oqimaaqatigiissumik aningaasanut inatsiseqarnermik pingaartitsisuuvoq. Tamanna isumaqarpoq kinguaariit tullii atuivallaarnitsinni akiitsunik artorsaateqassanngitsut.

Iluanaarutinit annaasaqanngikkaluarlutaaluunniit aningaasanut inatsit una aningaasaqarnerup oqimaaqatigiissusaanik innarliivoq, sipaarniarfigineqartussatsummi piumasarineqartorpassuit suli suliarineqanngillat. Naalakkersuisut aningaasaqarnikkut amigartorneq kinguaariit tulliinut ingerlateqqiinnarpaat.